

# NALUNAARUTIT - Grønlandsk Lovsamling

## Serie C-II

2. december 2019

### Isumaqatigiissut

Naalakkersuisut aamma Sulinermik Inuussutissarsiuqartut Kattuffiata akornanni **Angerlarsimaffimmi meeqqanik paarsisartut** pillugit isumaqatigiissut.

### IMAASA NALUNAARSORSIMAFFIAT

Qupp.:

§ 1 Isumaqatigiissummi pineqartut. ....	2
§ 2 Atorfinitsitaaneq. ....	2
§ 3 Suliffiup sivilissusia. ....	3
§ 4 Tunngaviusumik aningaasarsiat. ....	4
§ 5 Ukiut suliffiit malillugit aningaasarsiat qaffakkiartorneri.	5
§ 6 Immikkoortuni inunnut ataasiakkaanut tapinut immikkoortitat.	6
§ 6 A Suliartoqquneqaratarsinnaanermut tapisiat. ....	6
§ 7 Soraarnerussutisiassanut akiliutit taakkulu akilerneqartaneri. ....	6
§ 8 Aningaasarsiat tapisiallu tunniunneqartaneri. ....	7
§ 9 Ullut sulinngiffiit. ....	7
§ 10 Sulinngiffeqarneq sulinngiffeqarnerisutillu. ....	8
§ 11 Ineqarneq. ....	8
§ 12 Napparsimasarnerit. ....	9
§ 13 Naartuneq, ernineq qitornavissiartaarnerlu. ....	10
§ 14 Meeqqap napparsimanerani ullormi siullermi sulinngiffeqarsinnaatitaaneq. ....	11
§ 15 Meeqqap napparsimanerani sulinngiffeqarnerit allat. ....	11
§ 16 Sulinngiffeqarnerit immikkut ittut allat. ....	12
§ 17 Qinikkatut pisortanillu toqqakkatut suliassaqaqtitaanerit.	12
§ 18 Qimagaanersiutit. ....	13
§ 19 Soraarniuteqarneq/soraarsitsineq. ....	14
§ 20 Isumaqaatigiinngissutit kinaassusersiortumillu soraarsitsinerit. ....	15
§ 21 Nipangiussisussaataaneq. ....	16
§ 22 Akissarsiat katiternerit. ....	16
§ 23 Piffissaq isumaqatigiissutip atuuffia. ....	17

§ 1

**Isumaqatigiissummi pineqartut.**

Isumaqatigiissut una angerlarsimaffimmi meeqqanik paarsisartunut kommunimit sullissisussanngorlugit atorfinitsinneqartunut atuuppoq. Atorfinitsinneqassagaanni angerlarsimaffimmi paarsisarnerup kommunimit akuersissutigineqarsimanissaa piumasaqaataavoq atorfeqartitaanerlu atorunnaartutut isigineqartassaaq angerlarsimaffimmi paarsisarnermut attuumassuteqarsinnaasunik pissuteqartunik akuersissut utertinneqaraangat.

Imm. 2. Angerlarsimaffimmi meeqqanik paarsisartup suliassanut akisussaaffinnullu tunngasut, kimit sulisinneqarneq ilanngullugu, suliassat allaaserineqarneranni qaqugukkulluunniit atuuttumi kiisalu Isumaginninnermut Naalakkersuisoqarfiup nalunaarutaani kaajallaasitaanilu qaqugukkulluunniit saqqummiussani takuneqarsinnaapput.

§ 2

**Atorfinitsitaaneq.**

Ulloq naallugu ilaannakorluguluunniit sulisutut aalajangersimasumik qaammammusiaqartitsilluni atorfinitsitsisoqartarpoq, takuuk § 3.

Imm. 2. § 3 naapertorlugu angerlarsimaffimmi meeqqanik paarsisartuq pisussaavoq suliffissatut aalajangersarneqarsimasup iluani meeqqanik 3-nik 4-nilluunniit ulluunerani paarsissalluni.

Imm. 3. Angerlarsimaffimmi meeqqanik paarsisartuq pisussaavoq piffissami aalajangersimasumi sivisunerpaamik qaammatini sisamani meeraq ataaseq saniatigut ulluunerani paarisassallugu.

Imm. 4. Angerlarsimaffimmi meeqqqaannik paarsisartuq pisussaavoq paarsisartup allap sulinngiffeqarnerani sapaatip akunneri tallimat

tikillugit meeqqanik marlunnik saniatigut ulluunerani paaqqinnittas-salluni.

Imm. 5. Angerlarsimaffimmi meeqqanik paarsisartup meeqqanik sisamanik aalajangersimasumik paaqqinnittussaataasup piffissami ikaarsaariar-fiusumi meeqqat tallimassaannik ulluunerani paaqqinninnissaminut pisussaataitaavoq meeqqat arlaata paarineqarunnaarnissaa nalunaaruti-gineqarpat.

### § 3

#### **Suliffiup sivisussusia.**

Ulloq naallugu sulisussatut atorfinitsinneqarsimasunut sapaatip akun-neranut akunnerit 47½ suliffissaapput, ullullu ilaannaanut sulisar-tunut akunnerit 30, piffissarlu taanna tassaavoq angerlarsimaffimmi meeqqanik paarsisartup paaqqinninnissaminut pisussaaffia.

Imm. 2. Angerlarsimaffimmi meeqqanik paarsisartup kissaatigisaa an-gajoqqaallu meeqqamik paarineqarnissaannik pisariaqartitsinerat naap-ertorlugit suliffiup sivisussusissaa kommunimit aalajangersar-neqartassaaq. Suliffiup sivisussusia sapaatip akunnerani ulluinnarni tallimani siullerni agguataarneqassaaq nal. 06.30-ip aamma 17.30-ip akornanni. Nammineq piunassutsimik aaqqissuussinikkut su-liffiup si-visussusia sapaatip akunnerani ulluinnarnut arfinilinnut tamanut ag-guataarneqarsinnaavoq.

Imm. 3. Ulluinnarni suliffiup sivisussusiata nal. akunneri sisamat inorsinnaanngilai, ullup ilaannaanut sulisartunut nal. akunneri ping-asut.

Imm. 4. Angerlarsimaffimmi meeqqanik paarsisartup sapaatip akunnik-kuutaartumik suliffissaata sapaatip akunnerata ulluinut agguataarne-garneranik ilisimatinneqartassaaq. Ulluni ataasiakkaani suliffiusar-tup sivisussusia allanngortinneqassappat tamanna allannguutip

atuutilinnginnerani sapaatip akunnerata suliffiusup naannginnerani nalunaarutigineqassaaq.

#### § 4

##### **Tunngaviusumik aningaasarsiat.**

Angerlarsimaffimmi meeqqanik paarsisartut aalajangersimasumik meeqqanik sisamanik tigusinissamut pisussaaffeqartut skalat nikeriarfiini ataani taaneqartut aallaavigalugit imaattunik qaammammusiaqartinneqassapput:

Skala	ukiut	suliff	01.04.18	01.04.19	01.04.20	01.04.21
6	1. år		17.055,46	17.436,02	17.816,58	18.197,15
7	2. - 3.		17.196,01	17.576,57	17.957,14	18.337,70
8	4. - 5.		17.340,25	17.720,81	18.101,38	18.481,94
9	6. - 7.		17.488,57	17.869,13	18.249,69	18.630,26
10	8. - 9.		17.641,25	18.021,81	18.402,38	18.782,94
11	10.-11.		17.751,90	18.132,47	18.513,03	18.893,59
12	12. amerlanerillu		17.913,03	18.293,60	18.674,16	19.054,72

Imm. 2. Angerlarsimaffinni meeqqanik paarsisartut ulloq naallugu sulisartut meeqqanik pingasunik tigusinissaminnik pisussaaffeqartut aningaasarsiat qulaani allassimasut 75%-iinik aningaasarsiaqartinneqartarput.

Imm. 3. Angerlarsimaffinni meeqqanik paarsisartut ullup ilaannaani sulisartut meeqqanillu 4-nik 3-nilluunniit paaqqinninnissaminnut pisussaaffeqartut aningaasarsiat imm. 1-imi taaneqartut (4-nik paaqqinnittartut) aamma 2-mi taaneqartut (3-nik paaqqinnittartut) 2/3-iinik aningaasarsiaqartinneqartarput.

Imm. 4. Angerlarsimaffinni meeqqanik paarsisartut, § 2, imm. 3, 4 aamma 5 malillugit piffissami sivikinnerusumi meeqqanik amerlanerusunik paaqqinnittartut, taamalu meeqqat amerlassusissaannik aalajangersakkamit atuuttumit amerlanerusunik paarisaqartut, meeqqamut ataatsimut ullormut aningaasarsiaqartinneqartassapput. Akiliut anin-

gaasarsiat imm. 1-imi taaneqartut 1/1040-leraata aammalu imm. 3 naapertorlugu.

Imm. 5. Kommune-mi immikkut ittumik pisoqartillugu, soorlu assersuutigalugu imm. 2-mi meeqqat amerlassusaannik paarsaqarsinnaasoqartinnagu, meeqqanik pingasunit ikinnerusunik paarsaqarnissaq pillugu inunnik ataatsiakkaanik isumaqatigiissuteqartoqarsinnaavoq. Taamaattoqartillugu imm. 1 naapertorlugu naammaattumik angissusilimmik aningasarsiaqartitsineqassaaq aammalu imm. 3 naapertorlugu.

Imm. 6. Imm. 1 naapertorlugu aningaasarsiaqartitsinermi angerlarsimaffimmi meeqaanik paarsisartup paaqqinninnerup nalaani meeqqat paarisami nerisai tamakkerlugit akilertassagai piumasarineqarpoq, Namminersornerullutik Oqartussat nalunaarutaa nr. 16. 3. december 2012 § 28 malillugu.

## § 5

### **Ukiut suliffiit malillugit aningaasarsiat qaffakkiartorneri.**

Angerlarsimaffimmi meeqqanik paarsisartup ukiut suliffigisimasai naapertorlugit aningaasarsiat qaffakkiartornerat naatsorsorneqartassaaq.

Imm. 2. Angerlarsimaffinni meeqqanik paarsisartut atorfinitsitaanginnerminni sulinikkut immikkut misilittagaqalersimallutiluunniit sulinnermut pingaarutilimmik immikkut pisinnaasoqartut sumiiffimmi isumaqatigiinniarnikkut ukiut suliffigisimasaat ilaneqarsinnaapput.

Imm. 3. Aningaasarsiat nikeriarfiisa 3-annut inissinneqassagaanni piumasarineqarpoq minnerpaamik ataasiarluni nal. akunnerinik 40-nik si-visussusilimmik sulinnermut attuumassuteqartumik pikkorissarsimansaq, assersuutigalugu perorsaanermut, angajoqqaannik suleqatiginninnermut meeqqallu nappaataat pillugit pikkorissarnermut.

Imm. 4. Angerlarsimaffinni meeqqanik paarsisartut isumaqatigiissut una suli atuutilinngitsoq atorfinitsinneqarsimasut ukiut suliffige-reersimasatik ilanngullugit pissavaat.

**§ 6**

**Ataasiakkaanut tapinut immikkoortitat.**

Sulisut 1. april 2014-mi ataasiakkaanut tapisiallit nammineq tapisiatut suliunnaarnissap tungaanut tapisariinnassavaat.

**§ 6 A**

**Suliartoqqunegaratarsinnaanermut tapisiat.**

Angerlarsimaffimmi meeqqanik paarsisartuq qaangiuttoornersianut, qaangiuttoornermut atatillugu sulinngiffeqarnernut, persaqquser-sorneqarnermullu akiliutinut taarsiullugu suliartoqqunegaratarsinnaanermut tapisiaqartinneqassaaq qaammammut 2.400,00 kr.-nik.

Imm. 2. Angerlarsimaffimmi paarsisartuq meeqqanik sisamanik ikinne-rusunik paarsisaqarpat suliartoqqunegaratarsinnaanermut tapeq meeqqat amerlassusiat tunngavigalugu naatsorneqassaaq.

**§ 7**

**Soraarnerussutisiassanut akiliutit  
taakkulu akilerneqartaneri.**

Isumaqatigiissut malillugu sulisup 18-nik ukioqalereersimasumut so-raarnerussutisiaqalernissaanut isumaqatigiissummi matumani akissarsiat paragrafini tunngaviusumik akissarsiat taaneqartut 11,50%-ii sulisitsisup akilertassavai. Akiliutigineqartup ag-quataarlugu sulisumut pingajoraarterutaa pigitinneqarpoq sulitsisu-mullu pingajoraarterutaa marluk pigitinneqarluni. Soraarnerussutisia-

qartitsisoqartassaaq soraarnerussutisiaqalernissamut aaqqis-  
suussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalu soraarnerussutisiassanut akiliutit imm. 1-imi taaneqartut avataasigut sulinini pissutigalugu sulisitsisuminit soraarnerussutisiaqartinneqarnaniluunniit ikiutis-  
iaqartinneqassanngilaq.

## § 8

### **Aningaasarsiat tapisiallu tunniunneqartarneri.**

§ 4 naapertorlugu qaammammusiat qaammatikkaartumik kingumoortumik tunniunneqartassapput, kingusinnerpaamik qaammatip pineqartup naanerani.

Imm. 2. Akissarsiasat allat angerlarsimaffimmi meeqqanik paarsisartup qaammammoortumik nalunaarusiaa tunngavigalugu tunniunneqartassapput qaammammi tulliuttumi aalajangersimasumik qaammammusi-  
sitsinermut atatillugu.

## § 9

### **Ullut sulinngiffiit.**

Angerlarsimaffimmi meeqqanik paarsisartut ullunik sulinngiffeqarnissamut piginnaatitaapput Kalaallit Nunaanni Namminersornerullutik Oqartussani kommuninilu tjenestemandinut malittarisassat sukkulluunniit atuuttut naapertorlugit.

Imm. 2. Taakku saniatigut angerlarsimaffinni meeqqanik paarsisartut qaammatini suliffigeriikkaminni tamani ullunut suliffiusunut sivisuunut matussutissatut ullup affaani sulinngiffeqarsinnaatitaapput. Sulinngiffeqarsinnaatitaaneq taanna ukiup affakkaarlugu naatsorsorneqartassaaq ukiullu affaa tulliuttoq qaangiutsinnagu sulinngiffeqartoqartassalluni. Piffissap taaneqartup qaangiunnerani

ullut sulinngiffeqaataasussaagaluit sinneqarpata, taaku annaaneqassapput.

## § 10

### **Sulinngiffeqarneq sulinngiffeqarnerstiutillu.**

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffeqarsinnaatitaapput. Inatsip naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffeqarnerstiuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpasuk ullut sulinngiffeqarfiit amerlassusii naapertorlugit aningaasarsiat ilanngaaffigineqassapput. Nal. akunneranut akissarsiat ukiumut akissarsiat § 4 tunngavigalugu 1/2080-issavaat.

Imm. 3. Soraarnermi aningaasarsiat 12½ %-ii sulinngiffeqarnerstiutisatut tunniunneqassapput.

Imm. 4. Sulinngiffeqarnermi aningaasanik pisassanik piunasaqarneq sulisitsisumut saqqummiunneqassaaq ukiup sulinngiffeqarfissaasimasup qaangiutereernerani kingusinnerpaamilli qaammatit pingasut qaangiutsinnagit. Taamaangippat aningaasat Sulinngiffeqarnermut Aningaasaateqarfimmut nakkassapput, tak. Sulinngiffeqarnermut Aningaasaateqarfik pillugu isumaqatigiissummut tapiliussa.

## § 11

### **Ineqarneq.**

Angerlarsimaffimmi meeqqanik paarsisartut atorfinitsinneqarneranni inissamik innersuussisoqarsinnaangilaq.

§ 12

**Napparsimasarnerit.**

Napparsimanerup nalaani aningaasarsiaqartitsisoqartassaaq angerlarsimaffimmi meeqqanik paarsisartog atorfeqarnermi nalaani nammineq ili-uutsimi kingunerisaanik mianersuaalliorujussuarluniluunniit napparsimalersimangippat atorfinitisitaagamiluunniit piaaraluni nappaat pineqartog isertuussimappagu.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut napparsimanermi aammalu piffissami sivikillisakkamik soraarsitsinermi qaammatini tulleriiginnarni ullut 120-ini akissarsiaqartitsilluni periaatsit atuupput.

Imm. 3. Sulisut imm. 2-mi pineqanngitsut qaammatini tulleriiginnarni aqqaneq marlunni katillugit ullut 120-ini napparsimanermi akissarsiaqarsimappat, qaammatip naaneranut imatut siumut ilisimatitsererluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfeqareermermi: qaammat ataaseq
- ukiuni 6 - 8 atorfeqareermermi: qaammatit pingasut
- ukiuni 9 - sivisunerusumillu atorfeqareermermi: qaammatit sisamat.

Soraarsitsinerup atuutitinneqarnissaanut piunasaqaataavoq ullut napparsimaffiit 120-it taakku naanerannut atatillugu soraarsitsisoqassooq aammalu inuk pineqartog sulii napparsimatilluugu, kisiannili atuutitinneqarsinnaaneranut apeqqutaanngilaq inuk pineqartog soraarsitsinissap nalunaarutigineqareernerata kingorna suliffimminut utersimappat.

Imm. 4. Kisiannili imm. 2 aamma 3-mi aalajangersagaq malillugu atorfeqarnermit soraarsitsisoqarsimappat, atorfinitisitseqqittoqartariaqarpoq inuk pineqartog sulileqqissinnaalerpat aammalu suliffeqar-

fimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq piqputigalugu qimagussimaneq nakorsap uppersarsaanageratigut uppersarsarneqarnissaa piumasarineqarsinnaavoq.

Imm. 6. Nakorsat uppersarsaataat imm. 5 malillugu piumasarineqartut sulisitsisumit akilerneqassapput.

Imm. 7. Napparsimasoqartillugu imaluunniit § 14 naapertorlugu nammineq meeqqap napparsimanerani ullormi siullermi ulluunnerani paarsisartup angerlarsimaffiani paaqqinnittussamaat isumaqatigiissuteqarfigineqartassaaq.

### § 13

#### **Naartuneq, ernineq qitornavissiartaarnerlu.**

Angerlarsimaffimmi meeqqanik paarsisartut sulinngiffeqarsinnaattapput, naartunermi, ernereernerup kingorna qitornavissiartaarnermilu Inatsisartut inatsisaat qaqugumulluunnit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani pigiinnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinne- qartussat imm. anaanaasup kisimi.
	Ataataq: sap.ak. 1-p kingorna	

§ 14

**Meeqqap napparsimanerani ullormi siullermi  
sulinngiffeqarsinnaatitaaneq.**

Angerlarsimaffimmi meeqqanik paarsisartuq meeqqap ukiukinnerusup napparsimanerani ullormi siullermi aningaasarsiaminik annaasaqarani sulinnngiffeqarsinnaatitaavoq.

Imm. 2. Sulinnngiffeqassagaanni makku piumasarineqarput:

- a) meeqqap napparsimanerani ulloq siulliussasoq,
- b) meeqqap atugai eqqarsaatigalugit tamanna pisariaqartoq,
- c) suliffigisami pissutsit tamanna ajornartinngippassuk aamma
- d) meeraq ulluunerani paaqqinnittartumi angerlarsimaffeqassasoq.

Imm. 3. Napparsimanermut nalunaarsuiffimmi sulinnnginneq meeqqap napparsimanerani ullormi siullermi sulinnnginermik pissuteqartoq ilanngullugu paasissutissiissutigineqassaaq.

Imm. 4. Atornerluisoqartillugu aaqqissuussineq inunnut ataasiakkaanut atorunnaarsinneqarsinnaavoq.

§ 15

**Meeqqap napparsimanerani sulinnngiffeqarnerit allat.**

Meeqqap 16 tikillugit ukiullip illoqarfimmi najukkami imaluunniit illoqarfimmi allami napparsimmavimmut unittariaqalernerani, angajoqqaap peqqinnissaqarfiup akiligaanik ingialluinerani, meeqqallu uninnganera rata nalaani ullut 12 tikillugit akissarsiani nalinginnaasut pigiinnarlugit sulinnngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataanissaa ingiallortaanissaalu nakorsamit uppernarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqarsinnaavoq meeqqap angerlasimaffimmini innangatinneqarnissaa nakorsamit innersuunneqarpat/uppernarsarneqarpat.

Imm. 4. Immikkut illuinnartumik pissutissaqartillugu nakorsamillu uppernarsarneqarpat sulinngiffeqarneq sivitsorneqarsinnaavoq ullut 5 tikillugit.

## § 16

### **Sulinngiffeqarnerit immikkut ittut allat.**

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfeqarsimaguni akiliunneqarluni angalasinnaatitaavoq sulinngiffeqarsinnaatitaallunilu ilaquttat qanigisat napparsimaruloortillugit aamma/imaluunniit ilisaanerinit atatillugit akiliunneqarluni angalasarnerit sulinngiffeqartarnerillu pillugit malittarisassat qaqugumullunniit Kalaallit Nunaanni tjenestemandinut atuuttut naapertorlugit, taakkulu immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aappap ilaqutai taamaattutullu naatsorsuussat pinnagit.

## § 17

### **Qinikkatut pisortanillu toqqakkatut suliassaqartitaanerit.**

Isumaqatigiissut una naapertorlugu atorfillit qinikkatut pisortanillu suliassaqartitaanerit pillugit Namminersornerullutik Oqartussat qinikkatut pisortanillu toqqakkatut suliagarneq pillugu nalunaarutaat

nr. 5, 15. marts 1994-meersoq naapertorlugu sulinissaminut sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqatigiissutit malillugit qaangiut-toornerisiaqarfissaq sioqqullugu pisoq sumiginnaanertut isigineqas-sanngilaq. Suliffimmiit qimagusimanissaq sapinngisamik sioqqutsillu-arluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoor-tortaqarfiini siulersuisunut, SIK-p inuusuttaani siuliersuisunut aammaalu SIK-p siulersuisuunerinut ilaasortat, pisortat oqar-tussaasoqarfiinit piумаaffigineqarneq tunngavigalugu ilaasortaaffigi-neqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuunerini ilaasortat, ataatsimeersuarnerni, nakkutilliisoqarfeqarnerani peqataanermut atatillugu SIK-p siulersuisuunerinut aamma SIK-p Inuusuttaisa siulersuisuunerinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlu-tik.

Imm. 5. SIK-p immikkoortortaqarfiini siulersuisut, SIK-p siuler-suisuunerini aamma SIK-p Inuusuttaisa siulersuisuunerini ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

## § 18

### **Qimagaanersiutit.**

Angerlarsimaffimmi meeqqanik paarsisartuq atorfeqarnermi nalaani to-qukkut peeruppat aappaa qimagasoq meeqqalluunniit 18 inorlugit

ukiullit pineqartup pilersugassamisut pisussaaffii qaammat ataaseq, qaammatit marluk pingasulluunniit aningaasarsiassaanik tunineqartasapput, angerlarsimaffimmi meeqqanik paarsisartup toqukkut peerunnerani kommunimi ukiuni 1-imi, 2-ni 3-niluunniit atorfeqarsimanera naapertorlugu.

## § 19

### **Soraarniuteqarnek/soraarsitsineq.**

Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut soraarnermut atatillugu ajungitsorsiaqaqarsinnaaneq aammalu soraarniuteqarnermut periaasiusut, ilaatigut misiliutaasumik atorfininneq, utaqqiis-saagallartumik suliaqarnek narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaanii sulisumik imatut siumut ilisimatitsererluni soraarsitsisoqarsinnaavoq, misiliutaasumik atorfininneq imaluunniit utaqqiissaagallartumik suliaqarallarnek pineqanngippat:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsererluni qaammatip naaneranut
- c) Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartasapput, kisiannili annerpaamik qaammatini arfinilinni.

Imm. 3. Soraarniuteqarnek imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ilisimatitsissutigineqarnerani piffissap iluani pisusanngorlungu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik

siumut ilisimatitsilluni qaammaatip naanneranut soraarniuteqar-  
sinnaavoq, misiliutaasumik atorfininneq imaluunniit utaqqiissaagall-  
artumik suliaqarallarneq pineqanngippat.

Imm. 5. Sulisut Sulisitsisut aamma atorfillit akornanni pissutsit  
pillugit Inatsisartut inatsisaat naapertorlugu pineqanngitsut,  
atorfeqarnermi qaammatini pingasuni siullerni ullunuk tallimanik si-  
umut nalunaaruteqarlutik ullormut sumulluunniit soraarsinnaavoq.  
Tamannalu sulisitsisumiit sulisumiillu atuuppoq. Qaammatit pingasut  
atorfeqareernerut kingorna soraarniuteqarsinnaanerit imm. 2 b-c aamma  
imm.4-miitut atuupput.

Siuraarniuteqarnermut maleruagassat misiliutaasumik atorfininnermi  
imaluunniit utaqqiissaagallartumik suliaqarallarnemi siuliani in-  
atsimmi pineqartumi atuutinngillat.

Imm. 6. Sulisitsisup sulisullu soraarsitsinissamik soraarnissamillu  
siumut nalunaarutaat allaganngorlugu tunniunneqassaaq.

## § 20

### **Isumaqaatigiinngissutit**

#### **kinaassusersiortumillu soraarsitsinerit.**

Isumaqaatigiinngissutit suliarineqartassapput aaqqiagiinngissutit su-  
liarineqartarnissaannik tunngaviusumik isumaqaatigiisummi aala-  
jangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorneqaraangat  
tamanna kinaassusersiornermik tunngaveqartassanngilaq. Tamanna pillu-  
gu apeqqutit aaqqiagiinngissutit suliarineqartarnissaannik tunngavi-  
usumik isumaqaatigiisummi aalajangersakkat naapertorlugit  
suliarineqartassapput.

§ 21

**Nipangiussisussaatitaaneq.**

Angerlarsimaffimmi meeqqanik paarsisartup atorfimmini ilisimalikkani pissutsimikkullu isertuussaasariaqartut sulisitsisumilluunniit isertuuteqquneqartut nipangiuttussaavai. Nipangiussisussaatitaaneq suliunnaanermi atorunnaassanngilaq.

§ 22

**Akissarsiat katiternerri.**

Akissarsiat § 4-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliusseq 1. april 2000 16,4789%-iulluni. Skala-mi akissarsiat iluarsiiissutitaqanngitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18  
kr 380,56

01.04.19  
kr 380,56

01.04.20  
kr 380,56

01.04.21  
kr 380,56

§ 23

**Piffissaq isumaqatigiissutip atuuffia.**

Isumaqatigiissut una 1. april 2018 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaaruteqarnikkut 31. marts-imut taamaattorli siusinnerpaamik marts-ip 31.-ani 2022-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isumaqatigiissuteqarfissap tungaanut akissarsiat marts-ip 31.-ani 2022 atuuttut malillugit akissarsiaqartitsisoqassaq.


Nuummi, ulloq 2. december 2019

Sulinermik Inuussutissarsiateqartut

Naalakkersuisut

Kattuffiat

n.s.



---

Jess G. Berthelsen



---

André Steenholdt-Guttesen

*Taamalu isumaqatigiissut 14. november 2014-meersoq atorunnaarpoq.*